



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-433-2/23**

Datum: **24.10.2023. godine**

«Agencija za vodno područje rijeke Save» Sarajevo rješavajući po zahtjevu Investitora HALILČEVIĆ ENVER iz Živinica za izdavanje prethodne vodne saglasnosti za aktivnost ispuštanja tehnoloških otpadnih voda iz planiranog poslovnog objekta- autoelektričarska radnja u naselju Priluk, Grad Živinice, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

1. Odbija se zahtjev Investitora HALILČEVIĆ ENVER iz Živinica za izdavanje prethodne vodne saglasnosti za aktivnost ispuštanja tehnoloških otpadnih voda iz planiranog poslovnog objekta- autoelektričarska radnja koji se planira graditi na zemljištu označenom kao k.č. broj: 457/2 K.O. Priluk, Grad Tuzla, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan da pribavi vodne akte od nadležnog organa.

Obrazloženje

Investitor HALILČEVIĆ ENVER iz Živinica se obratio se zahtjevom bez broja dana 05.10.2023. godine za izdavanje prethodne vodne saglasnosti za aktivnost ispuštanja tehnoloških otpadnih voda iz planiranog poslovnog objekta autoelektričarska radnja koji se planira graditi na zemljištu označenom kao k.č. broj: 457/2 K.O. Priluk, Grad Tuzla.

U provedenom postupku dostavljena je i pregledana sljedeća dokumentacija:

- Ovjerena kopija lične karte;
- Ovjerena kopija katastarskog plana, razmjera 1:1000, broj plana 7., UR broj: 04/13-26-4227/2023-3 od 29.08.2023. godina izdato od Službe za urbanističko planiranje, komunalne, geodetske i imovinsko-pravne poslove, Odsjek za geodetske i imovinsko-pravne poslove, Grad Tuzla;
- Ovjerena kopija zemljišnoknjižnog izvotka broj: 033-0- NAR-23-003666, zk.uložak broj: 201 K.O. Priluk, općinski sud u Tuzli;
- Ovjerena kopija izvoda iz posjedovnog lista broj: 1750, broj: 04/13-26-4226/23-2 od 28.08.2023. godina izdato od Službe za urbanističko planiranje, komunalne, geodetske i imovinsko-pravne poslove, Odsjek za geodetske i imovinsko-pravne poslove, Grad Tuzla;
- Ovjerena kopija izvoda iz prostornog plana općine Živinice broj: 04/4-19-4838/23 od 29.08.2023. godine izdato od Službe za urbanističko planiranje, komunalne, geodetske i imovinsko-pravne poslove, Odsjek za geodetske i imovinsko-pravne poslove, Grad Tuzla;
- Ovjerena kopija mišljenja o usklađenosti planirane aktivnosti sa prostornim planom broj: 04/4-19-6085/2023 od 25.09.2023. godine izdato od Službe za urbanističko planiranje, komunalne, geodetske i imovinsko-pravne poslove, Odsjek za geodetske i imovinsko-pravne poslove, Grad Tuzla;
- Ovjerena kopija Uvjerjenja da nema registrovanih izvorišta pitke vode niti utvrđenih zona sanitarne zaštite broj: 04/14-19-6084/2023 od 21.09.2023. godine izdato od Službe za urbanističko planiranje, komunalne, geodetske i imovinsko-pravne poslove;

- Vodna studija u postupku pribavljanja prethodne vodne saglasnosti za potrebe izgradnje poslovnog objekta-autoelektričarska radnja, broj: I-250-09/23, Septembar 2023. godina urađena od „ATRIUS projekt“ d.o.o., Živinice;
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije, Studije za izdavanje prethodne vodne saglasnosti i mišljenja tehničke struke utvrđeno je sljedeće:

- Planirani poslovni objekat- autoelektričarska radnja se planira graditi na zemljištu označenom kao k.č. broj: 457/2 K.O. Priluk, Grad Tuzla.
- Na predmetnoj lokaciji postoji mogućnost priključenja na vodovodnu mrežu. Na predmetnoj lokaciji nema izgrađene kanalizacione mreže.
- U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br.26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka 3., Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Remić Dž., dipl.iur.

Po ovlaštenju
 Rukovodilac sektora za zdayanje vodnih akata

 Hariš Ališehović, dipl.inž.građ.

Dostaviti:

- HALILČEVIĆ ENVER
- Ul.Priluk bb, Živinice
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava